

Transkript sa konferencije za medije međunarodnih organizacija

OHR, Oleg Milišić
EUPM, Monja Koluder
EUFOR, Karen Halsey

OHR

Visoki predstavnik će govoriti o ustavnoj reformi i decertificiranim policajcima

Visoki predstavnik danas boravi u New Yorku, gdje će se prvi put u svojstvu visokog predstavnika obratiti Vijeću sigurnosti Ujedinjenih nacija. Nakon toga će se sastati sa generalnim sekretarom UN-a Kofijem Annanom.

Visoki predstavnik će u svome obraćanju ukazati na neophodnost ustavne reforme, kao i potrebu da se problem decertificiranih policajaca riješi prije završetka mandata OHR-a.

On će istaknuti da je reforma ustava prioritet za BiH te da će usvajanje predloženih amandmana poslati značajan signal u pogledu spremnosti zemlje da izvrši reformu na putu ka Evropi, kao i spremnosti da svojim građanima služi na bolji i kvalitetniji način.

Visoki predstavnik također će naglasiti kako bi odbijanje ustavne reforme predstavljalo ozbiljan korak unazad za BiH.

Visoki predstavnik će izjaviti kako je odlučio preuzeti aktivnu ulogu u drugoj fazi ustavne reforme, ali i naglasiti da se druga faza ovog procesa može graditi samo na osnovu uspješno okončane prve faze.

Što se tiče problema decertificiranih policajaca, visoki predstavnik će izraziti odlučnost da se ovo pitanje riješi prije okončanja mandata OHR-a. On će, međutim, istaknuti da se ovaj problem ne može riješiti bez podrške UN-a.

Visoki predstavnik će izjaviti da u potpunosti podržava pristup Vlade BiH u rješavanju ovog pitanja, te naglasiti kako ima punu podršku EU za iznalaženje rješenja.

“Ne možemo zagovarati principe vladavine zakona, odgovornosti za reforme i preuzimanje odgovornosti od strane domaćih organa vlasti općenito, a u isto vrijeme proturječiti tim principima vlastitim aktivnostima,” visoki predstavnik će naglasiti u svome u obraćanju.

Visoki predstavnik sutra putuje u Washington, gdje će se sastati sa zvaničnicima Svjetske banke i State Departmenta.

Obraćanje visokog predstavnika Vijeću sigurnosti UN-a će biti distribuirano u toku poslijepodneva.

EUPM

Policijska misija Evropske unije sponzoriše Kids festival

Policijska misija Evropske unije je glavni sponzor ovogodišnjeg Kids festivala, koji će se održati u Sarajevu od 9. do 15. juna 2006. Kao najveća samostalna manifestacija na području cijele jugoistočne Evrope, koju godišnje posjeti preko 30.000 djece iz svih krajeva BiH, Kids festival predstavlja jedinstvenu kombinaciju obrazovanja i zabave.

Ovo sponzorstvo predstavlja dio aktivnosti bh policijskih snaga na podizanju svijesti javnosti o opasnosti od droge uz podršku EUPM-a.

Pored niza različitih aktivnosti upriličenih za djecu iz cijele BiH koji će biti gosti na Kids festival, EUPM sa

zadovoljstvom ima priliku najaviti da će jedan programski dan -15. juni – biti proglašen Danom policije.

Ovo će biti prilika za agencije za provođenje zakona da direktno stupe u kontakt sa djecom i z komunikaciji s njima razmijene poruke o štetnosti droge, sigurnosti u saobraćaju i druge poruke važne za sigurno odrastanje mališana.

Policijska misija Evropske unije vjerujem kako aktivno učešće policije u ovom projektu zasigurno doprinosi stvaranju pozitivne slike o policiji i jačanju povjerenja građana u agencije za provođenje zakona. To je mjesto gdje svaka demokratska policija pripada – usredištu društva, uzgrađena koje štiti.

EUFOR

Nije bilo izjava.